



Ioannes ex nobili familia Slechtorum in Bohe-
mia natus, et omni genere uirtutū educatus est.
Is cum felici ingenio esset præditus, à pueris ope-
ram literis dedit, & primis rudimentis in arce pa-
terna Kostelecensi perceptis sese ad Pragensem
Academiam contulit. In ea omni genere linguarū
institutus etiam liberalibus studijs præclarā ope-
ram nauauit, atq; in ijs adeò profecit, ut nō modò
cunctis Bohemis, sed etiam externis hominibus
innotesceret. In primis uerò Erasmus Roteroda-
mus hūc Ioannem ob raram eruditionem dilexit,
atq; ut Bohemiæ situm cum uarijs sectis describe-
ret, petijt. Id quod Ioannes anno 1519 singulari in-

dustria præstitit, & omnia ea diligentia declarauit, ut quis præsens uix possit
Boemiæ conditionem rectius cognoscere. Vnde is & patriæ & nobilitati or-
namento fuit, atq; suis uirtutibus effecit, ut meritò inter Germaniæ proceres
hoc loco recensatur. Eras. lib. 14. Epist.